

Lindås Idrettsråd (heretter kalla LIR) set stor pris på samarbeidet med kulturkontoret i fordeling av kulturmidlar idrett. LIR har ein samla kompetanse og oversikt som me meiner er nyttig for kulturkontoret i arbeidet med fordelinga og det er i tråd med inngått samarbeidsavtale mellom Lindås kommune og Lindås Idrettsråd.

1. LIR har merknader til fordeling av driftsmidlar idrett innan NIF medlemmer

LIR har ingen merknad til tildeling av driftstilskot 2018, men ei anna sak er driftstilskot, som er ei tildeling pr. medlemmer og som i utgangspunktet kan tildelast utan at ein må søkje om desse midlane for dei 18 laga som er tilknytt LIR og Norges Idrettsforbund. Kultureininga har tilgang til all informasjon som ein treng for å gjere ei slik tildeling pr. år, noko som og vil føra til mindre administrativt arbeid.

Samarbeidsavtalen mellom Lindås kommune og LIR vil og kvalitetssikra dei tildelingane som føreligg, før saka vert lag fram politisk.

Kulturrådet ser dette og som meir naturleg at ein kun søker om ein pott, og laga v/styra kan bruke midlane dei får slik ein sjølv ynskjer.

Samla sett vil dette redusere arbeidsmengda ved tildeling av kulturmidlar årleg.

NIF har gjort endringar pga. krav med nytt medlemssystem slik at LIR ikkje kan legge frem tala for gjeldande års idrettsregistrering før etter 30. april dei neste åra, eller frem til annen endring blir føretatt.

Kvalitetssikring av søkjars oppgitte bankkontonummer i søknad, er det slik at Kultureininga kopierer frå gammal dokumentasjon utan å kvalitetssikre?

LIR ser av framlagt dokumentasjon at Kultureininga i år og vil utbetale til feil bankkonto for LIR sin del, slik dei gjorde i 2017 og har vist lita eller ingen vilje til å rydde opp i dette forholdet.

Kva er vitsen med å leggje inn i søknad rette opplysningar når ein ikkje kvalitetssikrar dokumenta ein utarbeidar opp mot søknadene.

Det er alvorleg når pengar havnar på avveie slik dei gjorde i 2017, som skyldast feil frå Kultureininga. Dette kan og gjelde for andre lag enn LIR.

2. LIR si handsaming av kulturmidlar idrett – aktivitet, prosjekt og investering:

LIR har i år fått tilsendt saksframlegg arkiv nr. 17/2023 som grunnlag for behandlinga av søknader og føreslått tildeling pr. lag/organisasjon. LIR kan derfor ikkje gje detaljert uttale av einskild søknader.

Samarbeidsavtalen mellom Lindås kommune og LIR er og eit viktig dokument i denne saka.

Aktivitets og prosjektstøtte

Det er søkt om totalt kr. 238 800,- frå 6 lag, der eine søkjar har 4 søknader av totalt 9 søknader, innstilt tildeling totalt er kr. 63 500,-

Alle dei søknadene er om midlar som laga sjølve kunne ha administrert under sitt driftsbudsjett, dersom ein kuttar ut aktivitets og prosjektstøtte og legg denne potten til driftsmiddel potten.

Av søkt aktivitets og prosjektstøtte, vil dei laga som har søkt mangla totalt kr.175 300,- fordi denne potten ikkje vil gje noko anna ein lav prosent av det ein søker om.

Investering

Det er søkt om totalt kr.443 000,- og tildelingspotten utgjer kr. 85 000,- 4 lag/organisasjonar har søkt, deriblant eit av medlemslaga til LIR.

Kva grunnlag Kultureiniga nyttar for tildeling er ukjent, men ein vil anbefale ein lik presentsats slik at investeringstilskot blir rettferdig fordelt.

Lindås kommune har og eit fond med spelemidlar for nærmiljøanlegg, er det vurdert om nokon av søknadene kunne fått tildeling der?

Generelt:

Søknadsportal for kulturmidlar er av gammal dato, og den har svakheiter som ikkje er tilpassa dagens ordningar, og for LIR sin del er den lite eller ikkje tilnærma lik krava som Norges Idrettsforbund gjer sine tildelingar av midlar.

LIR vil anbefale Levekårsutvalet å starte eit arbeid med revidering av søknader og regler for Lindås kommune sine årlege tildelingar av kulturmidlar, slik at dette blir mest mogleg automatisert og rettferdig.

Med Hilsen

For Lindås Idrettsråd, Knarvik 08.05.2018
v/ Leiar Ola R. Jordal(sign)
E-post: lindaas.idrettsraad@gmail.com